

*
* *

Լ Ե Ռ Ե Ն Յ Ի

Թող դատապարտւած նոյն իր ամօթով
Մեզ միշտ հալածէ զրպարտութիւնը
Եւ առժամանակ քողարկւած մութով
Աննրկատ մընայ ճշմարտութիւնը.
Թող ընկերների սէրը դաւաճան
Քամէ մեր սրտի ամբողջ արիւնը
Եւ մեր բուռն կեանքի ցաւերն անվախճան
Նոր կաթիլներով դառնացնէ թոյնը.
Թող աշխարհն լինի մութ բանտ մեզ համար,
Շղթայ լինեն մեզ կեանքի պայմաններն,
Տարագիրներիս գերեզմանն խաւար
Աւելի շուտ մեզ բանայ իր դռներն, —
Ոչինչ, մենք ունենք վըսեմ Կրաղներ —
Նըրանք մեզ կը տան թեւեր արծիւի,
Ոչինչ. մենք ունենք վեհ, անյաղթ մտքեր —
Նըրանք մեզ կը տան ոյժ անընկճելի,
Եւ անուրջների թեւերի վըրան
Կը թռչենք զազաթն մարդկային լեռի,
Մեր մտքի առջև մարդկան ասպազան
Կերեայ պայծառ, փառաւոր, բարի
Հեռու տըխրութիւն ու տարակուսանք,
Պլտող կեանքի դառն փորձութիւնների. —
Զրպարտութիւնն ու վատ թշնամանք
Մեծ, հըպարտ հոգուն չեն հասանելի...

Մի լա, իմ ընկեր, իմ սիրած ընկեր,
 Մի անխժիր քո սուրբ նըպատակը,
 Մի ասիր թէ զուր են ամեն ջանքեր,
 Թէ կանգուն կը մնայ միշտ չարի կուռքը.—
 Մի բնական օրէնք մարդկային կեանքում,
 Օրէնք, որ ծնունդ է իրականութեան,
 Մարդկան քայլը միշտ առաջ է ուղղում
 Դէպի արդար կետնքն հաւասարութեան,
 Եւ խղճա՛, խղճա՛ այն թըղուկ մարդկանց,
 Որ անձնական գարշ կըքերից դրուած՝
 Սուրբ խօսքերն դիմակ են դարձրել իրանց,
 Միտք, սիրտ, ըզգացում ոտնատակ արած.
 Նըրանց փոքրոգի, վատ արարքներին
 Կլինի դատաստան հըզօր, անկաշառ
 Եւ սըտութիւնը չէ կարող բնաւին
 Նըրանց զերծ պահել պատըժից արդար...
 Ո՛չ, մի՛ լա, ընկեր, իմ անգլին ընկեր,
 Թող անուրջները մեզ ողջ պաշարեն,
 Թող վըսեմ մտքերն ուղղեն մեր քայլեր
 Դէպ արդարութեան աստղը ոսկեղէն:
 Մենք գաղափարի թեւերի վըրան
 Կը սլանանք վերեւ բարձունքն անհուն—
 Այնտեղից մարդկան պայծառ ասպազան
 Կեանքը դարձրած մէկ արքայութիւն՝
 Կ'ամոքէ մեր ցաւն, մեր խորունկ վէրքն...
 Ընկեր իմ, ընկեր, տուր ինձ քո ձեռքը—
 Մեր կեանքի շաւղում նեղ ու դժւարին
 Բնաւ չենք սայթաքելի, երբ ենք միասին...